

TLHAGISA MAIKUTLO!

SETŠHABA SE LALEDIWA GO ROMELA DITSHWAELO

Komitikgetho ya Kgwebisano le Intaseteri, Tlhabololo ya Ikonomi, Tlhabololo ya Dikgwebopotlana, Bojanala, Tiro le Bodiri e laletsa batho ba ba nang le kgatlhego le baamegi go romela ditshwaelo tse di kwadilweng ka ga Melaotlhomo e mebedi: Mametlelelo ya Molaotlhomo wa Badiragatsi [B 24D – 2016] le Mametlelelo ya Molaotlhomo wa Tetlokhophi [B 13D – 2017]

MAMETLELELO YA MOLAOTLHOMO WA TSHIRELETSO YA BADIRAGATSI [B 24D – 2016]

Molaotlhomo o batla go mametlelela Molao wa Tshireletso ya Badiragatsi, 1967, gore o tle o tsenye, phimole kgotsa o refose ditlhaloso tse di rileng; go neelana ka ditshwanelo tsa ikonomi tsa badiragatsi; go atolosa ditshwanelo tsa ngwao go badiragatsi ba ba nang le kgatlhego e e feteletseng mo ditshwantshong tse di nang le modumo; go neelana ka go fetisetswa ga ditshwanelo fao modiragatsi a neelanang ka tetla go kgatlhego e e feteletseng ya tiragatso; go neelana ka tshireletso ya ditshwanelo tsa batlhagisi ba medumo e e rekotilweng; go anamisa dikganelo mo tirisong ya ditiragatso; go atolosa tiriso ya dikganelo mo tirisong ya ditiragatso go dikgatlhego tse di feteletseng tsa ditshwantsho tse di nang le modumo; go neelana ka dikatso kgotsa tuelo e e lekanang go ka duelwa fa tiragatso e rekisitswe kgotsa e rentilwe; go neelana ka go rekotiwa le go begiwa ga ditiro tse di rileng le go neelana ka tlolomolao e e leng mabapi; go atolosa diphapogo go tswa mo dikganelong go kgatlhego e e feteletseng ya ditshwantsho tse di nang le modumo le go tsenya diphapogo tseo di neetsweng mo Molaong wa Tetlokhophi, 1978; go neelana ka gore Tona a ka tlhagisa melawana ya konteraka e e tshwanang ya botlhe gammogo le dikaedi go modiragatsi go neela tumelelo ka fa tlase ga Molao ono; go neelana ka maitsholo a a kganetsweng le diphapogo go lebeletswa mekgwa ya tshireletso ya thekenoloji le tshedimosetso ya botsamaisi jwa tetlokhophi ka tatelano; go tswela go neelana ka ditlolomolao le dikotlhao; go refosa dikapuo tse di rileng; go neelana ka metheo ya nakwana; le go neelana ka dintlha tse di golaganang le tsona.

MAMETLELELE YA MOLAOTLHOMO WA TETLOKHOPHI [B 13D – 2017]

Molaotlhomo o batla mametlelela Molao wa Tetlokhophi, 1978, jalo go tlhalosa mafoko a a rileng le ditlhagiso; go tswelapele go letla dilekanyetso le diphapogo tse di mabapi le tlhagisogape ya ditiro tsa tetlokhophi; go neelana ka go arolelana dikatso mo ditirong tsa tetlokhophi; go neelana ka tuelo ya dikatso go lebeletswe ditiro tsa bokwadi, mmino, botlhami le ditshwantsho tse di nang le modumo; go neelana ka ditshwanelo tsa dikatso tsa thekisogape; go neelana ka go rekotiwa le go begwa ga ditiragatso tse di rileng; go neelana ka kamogelosemmuso ya mekgatlho e e amogelang dikatso; go neelana ka ditsela tsa go rarabolola dikgotlhang; go neelana ka phitlhelelo ya ditiro tsa tetlokhophi ke batho bao ba nang le dikgwetlho; go neelana ka laensense go ditiro tsa khutsana; go natlafatsa dithata le ditiro tsa Kgotlatshekelo ya Tetlokhophi; go neelana ka taola ya tsamaiso e e kganetsweng e e malebana le mekgwa ya tshireletso ya thekenoloji; go neelana ka taola ya tsamaiso e e kganetsweng e e malebana le botsaimaisi jwa tshedimosetso ya tetlokhophi; go neelana ka botsamaisi jwa ditshwanelo tsa dijitala; go neelana ka ditlolomolao tse dintšhwa tse di rileng; le go neelana ka dintlha tse di golaganang le tseo.

Dipotso, mmogo le ditshwaelo se di kwadilweng, di ka romelwa go Komitikgetho ya Kgwebisano le Intaseteri, Tlhabololo ya Ikonomi, Tlhabololo ya Dikgwebopotlana, Bojanala, Tiro le Bodiri, ka tsibogelo ya Moh Noziphiwo Dinizulu, ka imeile ***ndinizulu@parliament.gov.za*** kgotsa Moh Mahdiyah Koff **mo go *mkoff@parliament.gov.za***. Go tlaleletsa ditshwaelo tse di kwadilweng, tswee tswee bontsha fa o na le kgatlhego ya go dira tshwaelo ka molomo go Komiti.

Letlha la bofelo la go romela ditshwaelo tse di kwadilweng ke Labotlhano, 27 Ferikgong 2023 fa go wediwa tiro.

Dikhophi tsa Molaotlhomo di ka kopiwa ka go leletsa Moh Noziphiwo Dinizulu mo Seleng: 083 709 8393 kgotsa Moh Mahdiyah Koff mo Seleng: 083 709 8527 kgotsa di ka bonwa ka seeleketeroniki ka tiriso ya websaete ya Palamente (www.parliament.gov.za).

E rebotswe ke:

Rre Mandla Isaac Rayi, MP

Modulasetilo wa Komitikgetho ya Kgwebisano le Intaseteri, Tlhabololo ya Ikonomi, Tlhabololo ya Dikgwebopotlana, Bojanala, Tiro le Bodiri.
